

БАА Ўзбекистонда халқаро намунадаги «ҳалол» сертификатини берувчи марказни ташкил этишда кўмаклашади



17:29 / 15.03.2019 2002

2019 йилнинг 12 март куни Ўзбекистон-БАА ҳукуматлараро комиссиясининг учинчи йиғилиши бўлиб ўтди.

Йиғилишда бош вазир ўринбосари Элёр Ғаниев Ўзбекистон ҳукумати Бирлашган араб амирликлари Энергетика ва саноат вазирлиги ҳамда Mubadala Utilities компаниясининг бир қатор иссиқлик электр станцияларини хусусийлаштириш бўйича лойиҳаларини қўллаб-қувватлашни таъкидлаб ўтган. Бу ҳақда muslim.uz сайти хабар берди.

Унинг сўзларига кўра, Ўзбекистон Masdar компанияси билан қайта тикланувчи энергия манбалари, жумладан шамол электр станцияларини

қуриш соҳасида ҳамкорлик қилишдан манфаатдор. Mubadala компанияси билан углеводородларни қазиб олиш ва чуқур қайта ишлаш, Абу Дабининг ADNOC миллий нефть компанияси билан эксперт-консультацион ҳамкорлик лойиҳалари амалга оширилади.

Элёр Ғаниев БАА компанияларини Ўзбекистон туризм соҳасига сармоя киритишни таклиф қилди.

«Биз эришилган келишувлар билан чекланиб қолишни истамаймиз. Республикада 4000 тарихий ёдгорликлар бўлиб, уларнинг 90 фоизини ислом маданияти ёдгорликлари ташкил этади. Биз сайёҳлик лойиҳаларини амалга ошириш ва меҳмонхоналарни хусусийлаштириш, шунингдек Ўзбекистоннинг қадимий шаҳарлари – Самарқанд, Бухоро, Хивада беш юлдузли отелларни қуришни таклиф қиламиз», – деди у.

Йиғилишда Э.Ғаниев хорижлик ҳамкорларга минтақада ягона бўлган халқаро намунадаги «ҳалол» сертификатини берувчи илмий-тадқиқот ва сертификатлаш марказини ташкил этишда иштирок қилиш, шунингдек Навоий ва Наманган вилоятларида қишлоқ хўжалиги, тайёр тўқимачилик маҳсулотларини ишлаб чиқиш ва меҳмонхоналар тармоғини ташкил этиш таклифини ҳам берди.

Islom.uz портали таҳририяти